

KO AO 'ARARUA KO VAKAI, KO 'ITE 'Ā MO HĀPA'O I A RĀUA

RAPA NUI



eligevivir
— SIN DROGAS —



KO AO 'ARARUA KO VAKAI, KO 'ITE 'Ā MO HĀPA'O I A RĀUA

I te hare hāpī 'o Rapa Nui, he motu nehe-nehe 'e tahi e roa rō 'ā mai i a Tire, te nā poki vahine, te nā poki tane, he haŋa mau o rāua te hāpī o te kori hakari mo e'a o te ra'ā, te *ma'ori* ko Meherio, he ma'u i a rāua ki Pua te Ohe-Ohe, kona riva-riva mo hopu pahe poko-poko vai māŋaro, 'e tano nō mo kau, mo kori 'e mo hāŋai i te honu hai rauhuru miritoni.

'A Ao 'ararua ko Vakai, he repahoa, i tū hare hāpī 'ā 'ararua.

—;Matu tāua ki tai! ;Matu tāua ki Pua te Ohe-Ohe! —'e ohu era 'e te nā poki.





A Ao, poki hōro-hōrou he 'a'aru i tō'ona pānio,
he tahuti he turu. Tō'ona repahoa ko Vakai, poki
haņa tako'a ki te vaikava, koro'iti nō i turu ai 'i muri
i tō'ona *ma'ori* hāpī ko Meherio.

I tu'u era ki tai, a Ao, ko haņa 'ā mo rere ki
rote vaikava. He kī e Vakai:

—ĭAo, hāpa'o koe te honu! —Kai haka roņo tū
poki era, he rere ki rote vaikava 'e he hetu ki te
honu, tū honu era, e kau 'ā.

—ĭAuch! —kī ai e Ao.

—ĭAuch! —pāhono ai e te honu.





He hāhine a *ma'ori* Meherio ki tū poki era, he u'i ko riva-riva 'ā, he ha'i 'e he kī, 'e piri rō mai 'ā te ku'i ku'i e te 'ati, te me'e hauha'a, he 'ite ō'ou pē nei ē, e ai rō 'ā te haka tere haņa 'e ko tano mo aņa. I oho era he kī, 'ina koe ko uru haka 'ou ki roto i te vaikava.

A Vakai he noho i muri i tō'ona repahoa he 'a'aru i tō'ona rima he 'ui 'ana ai ko hōriņa 'ā a ia. Pāhono e Ao, 'ina au kai hōriņa, tā'aku me'e haņa nō, he kau, he kau 'e he kau, mo haka kē ō'oku, mo riro pahe taņata kau vaikava. He kī e Vakai, a au tako'a ko haņa 'ā, mo 'ite riva-riva i te kau, rua ta'u ena, 'ararua tāua ka turu mai ena, ka kau ena.

Tū honu hetu era ki a Ao 'e haka roņo nō mai 'ā tū 'a'amu era 'o tū ŋā poki era, ko ia ko te kai i tā'ana miritoni. He haka hāhine ki tū ŋā poki era, he kī:

—*Crunch, crunch, crunch.* 'Ana haņa kōrua mo 'ite riva-riva i te kau pē au, 'ī au he hāpī atu.





Ao ko ia ko Vakai he haka roŋo riva-riva ki tū honu era, mo te nūna'a 'o Rapa Nui, te honu me'e mo'a, i te rahi o te matahiti ko 'ite riva riva 'ā i te haka tere ta'ato'a 'o rote vaikava, e tano nō mo hāpī ki te taŋata.

—*Crunch, crunch, crunch.* Ka hāpa'o kōrua i a kōrua mau 'ā, ta'e 'ō pē nei ē, e ai te *ma'ori* Meherio, 'ō, te pa'ari, mo hāpa'o i a kōrua.

—'E pē hē māua 'ana hāpa'o? —i 'ui ai e tū ŋā poki era.


—*Crunch, crunch, crunch* —pāhono ai e te honu—: me'e ra'e, e u'i kōrua i te me'e rave'ino. Kī haŋa, haka tano tu'u makenu, e u'i riva-riva 'a te ara, e u'i riva-riva 'a hē tu'u rima ka haha'o ena, haka 'ava-'ava hora era ō'ou mo tahuti. 'Ahani a Ao i u'i riva-riva hora era mo rere ki rote vaikava 'e ko hetu mai ki a au. 'E haka roŋo kōrua ki te me'e riva-riva 'e hāpī atu ena, haka roŋo ki tu'u māhatu, ki tu'u hakari 'e ki tu'u mana'u, 'ina ko haka makenu taŋaŋa, 'e haka topa te mana'u.





'I oti era tū vānaʻa era 'a honu, he
'aroha, he ruku, he kau, he oho a rote vaikava.

A Ao 'ararua ko Vakai ko haka roŋo 'ā ki
tū honu era, ko ha'amata 'ā ko kau 'ā, ko kau
'ā, ko kau'ā, ko ia ko te u'i riva-riva pahe hāpī
haʻa era e te honu ka nui-nui rō pahe taʻa 'āpī,
haka kē, kau, 'o rote vaikava 'o Rapa Nui.





eligevivir
— SIN DROGAS —